



Samtök sveitarfélaga á höfuðborgarsvæðinu

**617. fundur stjórnar SSH
var haldinn í Hamraborg 9, mánudaginn 3. nóvember 2025
og hófst hann kl. 13:00.**

Fundinn sátu:

Heiða Björg Hilmisdóttir, Almar Guðmundsson, Ásdís Kristjánsdóttir, Regína Ásvaldsdóttir, Valdimar Víðisson, Þór Sigurgeirsson, Þorbjörg Gísladóttir, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

Fundargerð ritaði: Hildigunnur Hafsteinsdóttir, lögfræðingur SSH

Ásdís Kristjánsdóttir varaformaður stjórnar setti fund og gengið var til dagskrár.

Dagskrá:

Heiða Björg Hilmisdóttir formaður stjórnar tók sæti á fundinum og tók við stjórn hans.

1. Meðferðarúrræði fyrir börn - 2510010

Forstjóri Barna- og fjölskyldustofu og fulltrúi mennta- og barnamálaráðuneytisins kynna stöðu mála varðandi meðferðarúrræði fyrir börn.

Gestir

Halldóra Dröfn Gunnarsdóttir skrifstofustjóri í mennta- og barnamálaráðuneytinu

Hanna Borg Jónsdóttir verkefnastjóri farsældarráðs höfuðborgarsvæðisins

Ólöf Ásta Farestveit forstjóri Barna- og fjölskyldustofu

Niðurstaða:

Umræður

2. Viðbragsteymi vegna ofbeldis meðal barna - 2510016

Sviðsstjórar velferðarsviða sveitarfélaga á höfuðborgarsvæðinu sóttu, undir forystu Reykjavíkurborgar, um styrk til mennta- og barnamálaráðuneytisins vegna stofnsetningar miðlægs bráða- og viðbragðsteymis vegna ofbeldis meðal barna á höfuðborgarsvæðinu. Fallist hefur verið á að veita styrk að fjárhæð 240.727.235 kr., og er honum ætlað að nýtast til launagreiðsla og kaupa á sérhæfðri ráðgjöf.

Rannveig Einarsdóttir, formaður samráðshóps á sviði velferðarmála og sviðsstjóri hjá Reykjavíkurborg, og Margrét Edda Yngvadóttir, sérfræðingur á farsældarsviði Barna- og fjölskyldustofu, kynna verkefnið og tillögur að fyrirkomulagi þessa samstarfs.

Gestir

Margrét Edda Yngvadóttir sérfræðingur á farsældarsviði Barna- og fjölskyldustofu

Rannveig Einarsdóttir sviðsstjóri velferðarsviðs Reykjavíkurborgar



Samtök sveitarfélaga á höfuðborgarsvæðinu

Hanna Borg Jónsdóttir verkefnastjóri farsældarráðs höfuðborgarsvæðisins

Niðurstaða:

Lagt fram til kynningar og umræðu. Skrifstofu SSH er falið að taka þátt í nánari útfærslu og samningagerð í tengslum við ofangreint verkefni í samvinnu við samráðshóp á sviði velferðarmála.

Þorbjörg Gísladóttir sveitarstjóri Kjósarhrepps fór af fundi.

3. SSH Fjárhagsáætlun - 1910010

Fyrirliggjandi eru drög að starfs- og fjárhagsáætlun SSH vegna ársins 2026 en þau verða lögð fram til samþykktar á aðalfundi SSH 1. nóvember nk. Framkvæmdastjóri kynnir.

Niðurstaða:

Stjórn samþykkir fyrir sitt leyti fyrirliggjandi drög að fjárhags- og starfsáætlun ársins 2026 sem verða lögð fram til samþykktar á aðalfundi SSH 14. nóvember nk.

4. Aðalfundur SSH 2025 - 2509001

Framhald umræðna frá 616. fundi um dagskrá og fyrirkomulag aðalfundar SSH en hann fer fram í Garðabæ 14. nóvember nk. en fyrirliggjandi eru drög að dagskrá fundarins.

Niðurstaða:

Umræður. Framkvæmdastjóra er falið að fullgera dagskrá fundarins til samræmis við umræður fundarins.

5. Forkönnun á sameiginlegum innkaupavef sveitarfél. innan SSH - Sóknaráætlun 2024 - 2404005

Fyrirliggjandi er tillaga um áherslubreytingu við áframhald vinnu að ofangreindu verkefni og að stofnaður verði samráðsvettvangur sveitarfélaganna á höfuðborgarsvæðinu er lýtur að innkaupamálum. Sveitarfélögin tilnefni sína fulltrúa í samráðsvettvanginn. Framkvæmdastjóri kynnir.

Niðurstaða:

Samþykkt

6. Sóknaráætlun - áhersluverkefni 2025 - 2507006

Unnið hefur verið að kortlagningu tækifæra er snýr að nýtingu gervigreindar í starfsemi sveitarfélaganna á höfuðborgarsvæðinu og niðurstöður þeirrar skoðunar hafa verið kynntar. Fyrirliggjandi er tillaga að framhaldsverkefni á sviði gervigreindar sem snýr að því að vinna áfram að verkefninu á grundvelli þeirra tillagna sem nú liggja fyrir. Framkvæmdastjóri kynnir.

Niðurstaða:

Samþykkt. Stjórn felur framkvæmdastjóra að ljúka leggja tillöguna fyrir stýrihóp Stjórnarráðsins um byggðamál. Í framhaldi þess er framkvæmdastjóra falið að koma umræddu verkefni af stað og ganga frá og undirrita samninga vegna þess eftir því sem við á.



Samtök sveitarfélaga á höfuðborgarsvæðinu

7. Almyrkvi á sólu 12.08.2026 - 2504002

Fyrirliggjandi eru drög að aðgerðaáætlun um almyrkva á höfuðborgarsvæðinu 12. ágúst 2026 en aðgerðarhópur sveitarfélaganna og Markaðsstofu höfuðborgarsvæðisins vegna almyrkvans er nú að störfum.

Niðurstaða:

Lagt fram til kynningar og framkvæmdastjóra falið að að vekja athygli á málinu gagnvart ríkinu og þeim ráðuneytum sem um ræðir.

8. Meðferðarúrræði fyrir mæður - 2510006

Fyrirliggjandi til kynningar er tölvupóstur Guðfinnu Ingjaldsdóttur dags. 15. september 2025 þar sem fram koma tillögur um meðferðarúrræði fyrir mæður. Beiðni um stuðning við fyrirhugað verkefni hefur þegar verið send sveitarfélögunum.

Niðurstaða:

Lagt fram til kynningar og vísað til kynningar samráðshóps velferðarmála.

Fleira ekki gert. Fundi slitið kl. 15:00.